

nis octogesima Treverorum Episcopi scriptor perhibet his verbis: *Sanctus Sylvester beato Agritio quarto Episcoporum Treverensium, quorum nomina cognita sunt, & habemus, scribit inter cetera, dicens:*

*Sume prioratum post Alpes Trebir ubique,
Quem tibi Roma nova lege dat & veteri.*

^a Athanas.

Apol. 2.

^b Socrat. lib. 2.

Hist. Eccl. c. 22.

^c Cod. Theod.

l. 36. de Decu-

riohibus.

^d Sigebertus an-

no Christi 386.

^e Ammian.

Marcel. lib. 15.

^f Gest. Trever.

lib. 2. cap. 12.

^g Sigebertus an-

no Christi 413.

^h Idem an. 475.

ⁱ Idem an. 476.

^k Acta Concil.

Agrippin.

^l Greg. vii. l. 6.

Ep. 2.

^m Mappinius

Ep. ad Nicet.

Treveren.

Quod apud eam aliquando morati sunt Imperatores, præter Notitiæ modo laudatæ testimonium, legere est apud ^a Athanasium & ^b Socratem, Constantinum Constantini Magni filium hic primò mansisse. Postea Constantem ejus fratrem ibi etiam degisse anno Domini 343 dicitur in Codice ^c Theodosiano. Narratque Sigebertus ^d Maximum Imperatorem apud Treverim sedem imperii sui statuisse. Unde & appellatur domicilium principum clarum ab Ammiano ^e Marcellino. Hanc porro à Vandalis grassantibus, temporibus Imperatoris Honorii, captam, direptam, ruinis deformatam, rerum Germanicarum scriptores tradunt: additurque in gestis ^f Treverorum, civium partem in urbis amphitheatro, quod munitum infederant, hostilem vim evasisse. *Franci etiam*, inquit ^g Sigebertus, *sæpe Gallias incessantes diripiunt primò, & secunda irruptione incendunt urbem Treverim, quam condidit Treber filius Nimi.* Non longe post tamen restaurata est, ut docet idem Sigebertus ^h dum ait: *Franci, post Vandalos & Alanos, post Gothos & Hunnos incessunt Gallias, non tantum ut eas habeant direptioni, sed ut sibi sint perpetuæ habitationi: qui capta Colonia Agrippina fugato belli duce Egidio, multos Romanorum occidunt. & infra i Franci Treverim civitatem super Mosellam capiunt.*

Jam verò quod primis sæculis Metropolis Ecclesiastica fuerit, præter Theodoretum, qui hanc primariam Galliarum urbem nominat, ut jam diximus, clarè dignoscitur in actis Concilii ^k Agrippinensis, quo Euphratas Episcopus abdicatus est, plurimis Metropolitanis adstantibus, cum huic Metropolitæ fungens munere præfuerit Maximinus Treverensis Episcopus. Et quis non fatebitur urbem illam, quæ ex Silvestri P. ad Agracium Treverensem verbis, prima post Romam erat, saltem Metropolim Ecclesiasticam fuisse? Imo dicam Treverensem Episcopum non tantum Metropolitam tunc fuisse, sed etiam Primatem totius Belgicæ & Germaniæ Cis-Rhenanæ, quæ huic ut unico Metropolitanato parebat, nec certè quispiam alius apud ipsas his temporibus legitur. Hujus veritatis testis fidelissimus est Gregorius VII. ^l dum ad Manassem Rhemensem Episcopum scribens, ait: *Rhemenfis cui præfides Ecclesia quodam tempore Primati subjacuit, & ei ut magistro post Romanum Pontificem obedivit.* Cui enim alteri Primati, quam Treverensi Rhemenfis Ecclesia subjacuerit, sanè dici non potest. Id autem esse satis indicavit Mappinius ^m Rhemenfis, qui, cum à Theodobalbo rege indicta fuisset Synodus apud Tullum circa excommunicatos à Nicetio Treverensi, ipsique adesse non potuisset, huic Nicetio absentiam suam per Epistolam excusavit, ut Superiori suo: scripsitque absurdum esse, ut à se in communionem reciperentur, qui ab ipso Nicetio secundum seriem Canonum abdicati erant. Numquam enim hæc scripsisset Mappinius, nisi super eum Nicetius Primas constitutus fuisset. Istud adeò certum est de sæculis Constantino posterioribus, ut nequidem in dubium revocari possit. Sed quod ante illum Treverensis Episcopus Metropolita fuerit totius Belgicæ, dum etiam duas Germanicas complectebatur, ratione non parum evidenti probabo. Metropolita dignitas ei sedi proculdubio tunc tributa est hacce in provincia, cui Metropoles, in ea postea institutæ, parebant ut Suffraganeæ. Sic enim Lugdunum Metropolis antiqua censetur totius Lugdunensis, quia Metropoles in ipsa post Constantinum erectæ huic antea subiciebantur. Sic Bituricarum civitas antiqua Metropolis secundæ & tertiæ Aquitanicæ creditur, quia Burdegala & Elusa ante eundem Imperatorem ejus Suffraganeæ erant. Idemque de Arelato dicendum est